


ԱԿԱԴԵՄԻԿՈՍ | Հ. Հ. ՄԱՆԱՆԴՅԱՆ |

1952 թ. փետրվարի 4-ին, 79 տարեկան հասակում վախճանվեց սովետական պատմական գիտություն ականավոր ներկայացուցիչ՝ ՍՍՌՄ Գիտությունների ակադեմիայի և Հայկական ՍՍՌ Գիտությունների ակադեմիայի իսկական անդամ, Հայկական ՍՍՌ գիտություն փաստավոր գործիչ, պատմական գիտությունների դոկտոր, պրոֆեսոր Հակոբ Համազասպի Մանանդյանը:

Ակադեմիկոս Հակոբ Մանանդյանը հայտնի է իրեն ականավոր հայագետ-պատմաբան և բանասեր, հեղինակ մի շարք կապիտալ մոնոգրաֆիկ աշխատությունների՝ նվիրված հին և միջնադարյան Հայաստանի սոցիալական և տնտեսական կյանքի ուսումնասիրությանը:

Ակադեմիկոս Հ. Հ. Մանանդյանը ծնվել է 1873 թ. նոյեմբերի 22-ին Ախալցխի քաղաքում: 1897 թվականին նա ավարտում է Վիեննայի համալսարանի փիլիսոփայական բաժանմունքը և պաշտպանություն է ներկայացնում իր առաջին հետազոտությունը՝ Beiträge Zur albanischen Geschichte (Leipzig 1897), որի համար արժանանում է փիլիսոփայական դոկտորի կոչման: Մի տարուց հետո (1898 թ.) Հ. Հ. Մա-



նանդյանը հանձնում է էքստերն քննություններ Պետերբուրգի (այժմ Լենինգրադի) համալսարանի Արևելագիտական ֆակուլտետում և արժանանում է առաջին աստիճանի դիպլոմի: Վերջապես 1909 թ. նա հանձնում է էքստերն քննություններ Գորպատի (այժմ Տարսու՝ էստոնական ՍՍՌ) համալսարանում և արժանանում է Իրավաբանական ֆակուլտետի առաջին աստիճանի դիպլոմին:

Ունենալով փայլուն կրթություն և պատրաստություն Հ. Հ. Մանանդյանը հայկական իրականության այն ժամանակվա պայմաններում չի կարողանում գործադրել իր ուժերն ու դիտություններ հայագիտության ասպարեզում: Գոյությունը պահպանելու մշտական հոգսը ստիպում է նրան աշխատանք փնտրել դպրոցներում որպես ուսուցիչ և դատական օրդաններում՝ որպես երգվյալ հավատարմատար: Չնայած այդ ամենին,

իւր համառությամբ նա կարողանում է հաղթահարել բոլոր դժվարությունները և չթողնել իր սիրած ասպարեզը՝ հայագիտությունը:

Ակադեմիկոս Հ. Հ. Մանանդյանը ականավոր պատմաբանի իր կարողությունները դրսևորում է միայն Հայաստանում սովետական իշխանություն հաստատվելուց հետո, երբ նրան առաջին անգամ ստեղծագործական մեծ աշխատանքի հնարավորություն է տրվում: Հայաստանում սովետական իշխանություն հաստատվելուց հետո Հ. Մանանդյանը նշանակվում է Երևանի նոր հիմնադրված Պետական համալսարանի ռեկտոր, ուր նա պիոներ է հանդիսանում Պատմագրական ֆակուլտետում հայագիտություն մտցնելու գործում, որի գեկանն է լինում երեք տարի շարունակ: Նույն այդ համալսարանում 1926 թ. Հ. Մանանդյանը հաստատվում է հայագիտության ամբիոնի պրոֆեսորի պաշտոնում: Հենց այս պայմաններում է սկսվում Հ. Մանանդյանի ստեղծագործական մեծ աշխատանքը, որը նեղ-բանասիրական հարցերից անցնում է հին և միջնադարյան Հայաստանի սոցիալական ու տնտեսական կյանքի հարցերի գիտական հետազոտությանը, որ համահնչյուն էր նոր էպոխային ու սովետական նոր պատմագրությանը: Իր երկարամյա գործունեության ընթացքում Հ. Մանանդյանը համալսարանում պատրաստել է պատմաբանների բուզմաթիվ կադրեր: Սովետական Հայաստանում պատմության բնագավառում աշխատող հիմնական կադրերը եղել են կամ նրա ուսանողները կամ ասպիրանտները:

Ակադեմիկոս Հ. Մանանդյանի գործունեությունը որպես գիտական հետազոտողի գործունեություն՝ գնում է երկու ուղղությամբ—բանասիրության և պատմության, ըստ որում առաջինը նախորդում է երկրորդին:

Հ. Մանանդյանը իր գիտական գործունեության նախասովետական շրջանում հանդես է գալիս մի շարք հետազոտություններով, նվիրված միջնադարյան Հայաստանի փիլիսոփայական մտքի պատմության հարցերին և հրատարակում է բնագրեր, որոնց մեջ նա իրեն ցույց է տալիս իրրև փայլուն բանասեր: Այս աշխատությունների թվին են պատկանում՝ Nonnos Die Scholien zur fünf Reden des Gregor von Nazianz (Marburg 1903), տեքստերի ժողովածու «Հայոց նոր վկաները», (Հ. Աճառյանի հետ միասին, Վաղարշապատ, 1903), «Դավիթ Անհաղթի խնդիրը նոր լուսաբանությամբ» (մատենագրական հետազոտություն, Վաղարշապատ, 1904): Առանձնապես հարկավոր է նշել Հ. Մանանդյանի կողմից հրատարակված բնագրերը, որոնք իրրև համեմատական տեքստեր, օրինակելի են. սրանցից հարկավոր է նշել «Մեկնութիւն ստորոգութեանցն Արիստոտելի ընծայեալ էլիասի իմաստասերի» (Bibliotheca armeno-georgica, I ՍՊԲ, 1911), «Թեոփեայ՝ Յաղագս ճարտասանական կրթութեանց» (Երևան, 1938, հայերեն և հունարեն բնագրերը): Բանասիրական նրա աշխատությունների ամենախոշոր գործն է 1928 թվականին լույս տեսած՝ «Հունարան դպրոցը և նրա զարգացման շրջանները» մենագրությունը, որի մեջ մշակված են միջնադարյան հայկական գրականության պատմության մի ամբողջ մեծ բաժնի ուսումնասիրության ձևերն ու մեթոդները, և դրա հետ միասին երևան հանված այն հսկայական ավանդը, որ մուծել են հայերը՝ Արևմուտքի միջնադարյան մոլեռանդների հալածանքներից անտիկ գիտությունը պահպանելու գործում:

1921 թվականից, երբ Հ. Մանանդյանը սկսում է կարգալ հայ ժողո-

վերջի պատմության դասախոսությունների իր կուրսը՝ նրա համար հնարավորություն է ստեղծվում զուտ բանասիրական խնդիրներից անցնել Հայաստանի պատմության սոցիալական և տնտեսական խնդիրներին: 1925 թվականից Հ. Մանանդյանը հրապարակում է հայ ժողովրդի պատմության նվիրված հետազոտություններ, որոնք հիմք դրին Հայաստանի պատմական անցյալի ուսումնասիրությունը՝ նրա տնտեսական զարգացման տեսակետից: Փայլուն հետազոտությունների այս շարքը սկսվեց «Դիտողություններ հին Հայաստանի շինականների դրության մասին մարզպանության շրջանում» (Երևան, 1925) աշխատությամբ: Այս աշխատության մեջ հեղինակն առաջին անգամ հայկական պատմագրության մեջ արժարժում է ֆեոդալական Հայաստանի անմիջական արտադրողների՝ դյուղացիության սոցիալական և տնտեսական դրության խնդիրը: Հիշյալ աշխատության մեջ հատուկ ուշադրության արժանի են գիտնականի փորձերը՝ ցույց տալու հին հայկական դյուղական համայնքի ներքին կառուցվածքի հիմնական տարրերը: Շինականների դրության մասին հոգվածի շարունակությունն է հանդիսանում մի տարի անց լույս տեսած հետազոտությունը՝ «Հայաստանի արքունի հարկերը մարզպանության շրջանում» (Երևան, 1926), որի մեջ մանրագնին քննության են ենթարկվում V—VII-դդ. Հայաստանի հարկային տերմինները:

Այս հոգվածներին հետևում են՝ «Նյութեր հին Հայաստանի տնտեսական կյանքի պատմության» (Երևան, 1927, 1928) վերնագիրը կրող երկու պրակով լույս տեսած մանր հետազոտությունների շարքը, որտեղ տալիս է հայ մատենագրության և արձանագրությունների մեջ հանդիպող սոցիալական ու տնտեսական տերմինների բանասիրական վերլուծությունը:

Միջնադարյան Հայաստանի տնտեսական կյանքի առանձին մոմենտների լուսարանման համար առաջնակարգ նշանակություն ունի մետրոլոգիան ու նումիզմատիկան, որոնց նվիրված է «Գշիռները և չափերը հնագույն հայ աղբյուրներում» (Երևան, 1930) ընդհանուր վերնագիր կրող հոգվածների շարքը, որոնց մեջ չափերի ու կշիռների միջնադարյան միավորները փոխադրված են ժամանակակից տասնորդական սիստեմի: Հոգվածների նույն այս շարքին է պատկանում «Էրատոսթենեսի ստադիոնը և պարսից ասպարեզը» (Երևան, 1934) աշխատությունը, որտեղ հեղինակը շոշափում է երկրի միջօրեականի առաջին աստիճանային չափումը, որ կատարել է Էրատոսթենեսը (275—195): Հ. Մանանդյանը պարզում է, որ Էրատոսթենեսի ստադիոնը տարածության հիմնական չափն է հանդիսացել Պարսկաստանում և Հայաստանում: Այս խնդրի պարզաբանումն իր հերթին առաջ է քաշում մեզ հասած մղոնաչափերի (իտիներարիաների) ուսումնասիրությունը, մանավանդ IV-րդ դարի «Պետինգերյան քարտեզը»: Հին Հայաստանի ճանապարհների ուսումնասիրությունը մեծ գիտնականը նվիրել է մի շարք աշխատություններ, որոնց ամփոփումն է հանդիսանում՝ «Հայաստանի գլխավոր ճանապարհները ըստ Պետինգերյան քարտեզի» (Երևան, 1936) մեծածավալ մենագրությունը:

Այս խնդիրների հետ սերտ առնչություն ունեն շին Հայաստանի պատմական աշխարհագրության հետ կապված մի շարք հարցերը: Հ. Մանանդյանը գրում է պատմա-աշխարհագրական բնույթի մի շարք հոգված-

ներ, որոնք լույս են տեսնում երկու գրքով՝ «Հին Հայաստանի և Անդրկովկասի պատմության մի քանի խնդիրների մասին» (Երևան, 1944) և «Պատմա-աշխարհագրական մանր հետազոտություններ» (Երևան, 1945)։

Ակադեմիկոս Հ. Մանանդյանի տեսադաշտից չեն վրիպում նաև հելլենիստական շրջանի Հայաստանի հուշարեն արձանագրությունները, որոնց վերլուծմանը նա նվիրում է իր աշխատությունները՝ «Արմավիրի հուշարեն արձանագրությունները՝ նոր լուսարանությամբ» (Երևան, 1946) և «Գառնիի հուշարեն արձանագրությունը և Դառնիի հեթանոսական տաճարի հատուցման ժամանակը» (Երևան, 1946)։ Այս աշխատություններում ինչպես և նախորդ բանասիրական-տեքստոլոգիական աշխատություններում, Հ. Մանանդյանը իրեն դրսևորում է իրեն մեր ժամանակի հուշարեն լեզվի խոշորագույն մասնագետ։

Ակադեմիկոս Հ. Մանանդյանը արձագանքում է նաև այնպիսի տարեթվերին, ինչպիսիք են՝ Մեսրոպ Մաշտոցի մահվան 1500-ամյակը (տե՛ս նրա՝ Месроп-Маштоц и борьба армянского народа за культурную самобытность, Ереван, 1941) և «Սասունցի Դավիթ», հայկական էպոսի 1000-ամյակը (տե՛ս նրա՝ «Ժողովրդական ապստամբությունները Հայաստանում՝ արարական տիրապետության դեմ», Երևան, 1939)։

Հայագետների միջև մեծ դիսկուսիա առաջացրեց Հ. Մանանդյանի՝ «Մովսես Խորենացու առեղծվածի լուծումը» գիրքը (Երևան, 1934)։

Ակադեմիկոս Հ. Մանանդյանի այսուեղ թված և այլ բազմաթիվ հետազոտությունները հող պատրաստեցին լայն ընդհանրացումների համար։ Մեկը մյուսի ետևից լույս են տեսնում խոշոր մենագրություններ՝ «О торговле и городах Армении в связи с мировой торговлей древних времен» (V в. до н. э.—XV в. н. э.) (Երևան, 1930)։ Ուրբեր ուսումնասիրում են Գովկասի և Մերձավոր Արևելքի անտեսական պատմության խնդիրները, չեն կարող աչքաթող անել այս գիրքը։ Նախարարական Հայաստանի հասարակակարգի հարցերին վերաբերող հոդվածների հանրագումարն է հանդիսանում նրա «Ֆեոդալիզմը Հին Հայաստանում (Արշակունիների և մարզպանության շրջան)» (Երևան, 1934) մենագրությունը։

Հատկանշական է, որ այն ժամանակ, երբ Ն. Ադոնցի «Армения в эпоху Юстиниана» (СПБ, 1908) գրքում, որը նույն խնդիրներին է վերաբերում, նախարարական Հայաստանի անմիջական արտադրողների—շինականների մասին ի միջի այլոց է խոսվում, Հ. Մանանդյանի նշված աշխատության մեջ շինականներին նվիրվում է գրքի երրորդ մասը գրողեցնող հատուկ մի գլուխ։

Գիտության մեջ խոշոր ավանդ է հանդիսանում նրա «Տիգրան Երկրորդը և Հոռմը» կապիտալ մենագրությունը (Երևան, 1940, որը լույս է տեսել նաև ռուսերեն լեզվով 1943 թ.)։ Բուրժուական հայագետ-պատմաբանները սովորաբար սահմանափակվում էին նրանով, որ Տիգրան II-ի ժամանակաշրջանի Հայաստանի պատմության մասին խոսելիս հիմնվում էին Մոմզենի, Ռեյնակի և Ֆերբերոյի աշխատությունների վրա, որտեղ Հայաստանի պատմությունը դիտվում է իրեն մի դրվագ՝ կցվածք Հոռմի կամ Պոնտոսի պատմության։ Այդ պատմաբանները, որպես Արևելքում հոմեական մեծապետական քաղաքականության ջատագույններ, Պոնտոս-հոմեական պատերազմները դիտում էին իրեն «բարբարոս Արևելքի» պայ-

քարը քաղաքակիրթ Արևմուտքի՝ գեմ: Հ. Մանանդյանը ցույց է տալիս, որ, ընդհակառակը, Հոռմը Արևելքում հանդես եկավ իրրև հելլենիստական կուլտուրայի կործանող ու ոչնչացնող: Նա բազմաթիվ օրինակներով ցույց է տալիս, որ հույնական ազդեցությունները հելլենիստական և հայկական ավելի ուշ շրջանի ազդեցությունների հետ և, հենվելով նրանց համեմատական և քննադատական ուսումնասիրության վրա, տալիս է Հին Հայաստանի պատմության շատ ու շատ փաստերի միանգամայն նոր բացատրություն:

Մեծանուն գիտնականն իր կյանքի վերջին տարիներին գրել է Վերահայկան տեսություն հայ ժողովրդի պատմության՝ ևսահատոր մենագրական աշխատությունը, որի առաջին հատորը լույս է տեսել 1945 թվականին և ընդգրկում է հայ ժողովրդի պատմությունը VI դ. մ. թ. ա. մինչև I դ. մ. թ.: Իսկ երրորդ հատորը լույս է տեսնելու մոտ ժամանակներս: Վերջինս ընդգրկում է հայ ժողովրդի պատմությունը XI—XV դդ.:

Ակադեմիկոս Հ. Մանանդյանը սերտ կապեր էր պահպանում Մոսկվայի և Լենինգրադի գիտական հաստատությունների հետ: Նա աշխատում էր իր բոլոր հետազոտությունները տալ նաև ուսերեն լեզվով, կամ ամբողջապես, կամ համառոտ, որպեսզի մատչելի լինի Սովետական Միության բոլոր ժողովուրդներին: Նրա աշխատությունները մեծ արժեք ունեն, մանավանդ՝ Վրաստանի և Ադրբեյջանի պատմական անցյալը ուսումնասիրողների համար:

Սովետական պատմական գիտությունն անգամայն կատարած այս ծառայությունների համար Հ. Մանանդյանը բարձր գնահատություն է արժանացել սովետական ժողովրդի, պարտիայի ու կառավարության կողմից: 1935 թ. նոյեմբերի 28-ին, համաձայն Հայկական ՍՍՄ ԿԿ Նախագահության որոշման, Հ. Մանանդյանին շնորհվում է գիտության փաստակալոր պարձի կոչում: 1938 թվականին, երբ նշանակված էին Համամիութենական Գիտությունների ակադեմիայի ընտրությունները, Հ. Մանանդյանի թեկնածությունը ջերմ ընդունելություն է գտնում Սովետական Միության գիտական ողջ հասարակայնության կողմից: 1939 թ. հունվարի 28-ին նա ընտրվում է ՍՍՄԿ Գիտությունների ակադեմիայի իսկական անդամ: 1943 թվականին, երբ հիմնվեց Հայկական ՍՍԽ Գիտությունների ակադեմիան, Հ. Մանանդյանը հաստատվեց նոր Ակադեմիայի իսկական անդամ:

1945 թվականին, ՍՍՄԿ Գերագույն Սովետի որոշմամբ, ակադեմիկոս Հ. Մանանդյանը պարգևատրվում է Աշխատանքային Կարմիր Դրոշմ շքանշանով:

Ակադեմիկոս Հ. Մանանդյանը գեոչ էր կորցրել իր աշխատանքային եռանդը, երբ դաժան մահը խլեց նրան իր սիրած ու փայփայած բնագավառից, անկատար թողնելով իր վերջին աշխատությունները:

Ս. ԵՐԵՄՅԱՆ